

Қазақстан Республикасы Президентінің "Қазақстан Республикасының Дипломатиялық және оған теңестірілген өкілдігі туралы ережені бекіту туралы" Жарлығының жобасы туралы

Қазақстан Республикасы Үкіметінің 2004 жылғы 27 қаңтардағы N 86 қаулысы

Қазақстан Республикасының Үкіметі қаулы етеді:

Қазақстан Республикасы Президентінің "Қазақстан Республикасының Дипломатиялық және оған теңестірілген өкілдігі туралы ережені бекіту туралы" Жарлығының жобасы Қазақстан Республикасы Президентінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

Қазақстан Республикасы Президентінің Жарлығы Қазақстан Республикасының Дипломатиялық және оған теңестірілген өкілдігі туралы ережені бекіту туралы

Қ а у л ы е т е м і н :

1. Қоса беріліп отырған Қазақстан Республикасының Дипломатиялық және оған теңестірілген өкілдігі туралы ереже бекітілсін.

2. Мыналардың күші жойылды деп танылсын:

Қазақстан Республикасы Президентінің "Қазақстан Республикасының Елшілігі туралы ережені бекіту туралы" 1992 жылғы 2 шілдедегі N 832 Жарлығы;

Қазақстан Республикасы Президентінің "Басқа мемлекеттерде тіркелген Қазақстан Республикасының Төтенше және Өкілетті Елшісінің негізгі міндеттері мен құқықтары туралы ережені бекіту туралы" 1992 жылғы 2 шілдедегі N 833 Жарлығы.

3. Осы Жарлық қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Президенті

Қазақстан Республикасы Президентінің

2004 жылғы " __ " _____

N _____ Ж а р л ы ғ ы м е н

бекітілген

Қазақстан Республикасының Дипломатиялық және оған теңестірілген өкілдігі туралы ереже

Осы Ереже Қазақстан Республикасының Дипломатиялық және оған теңестірілген өкілдігінің (бұдан әрі - Өкілдік) мәртебесі мен өкілеттіктерін белгілейді.

1. Жалпы ережелер

1. Осы Ережеде мынадай ұғымдар пайдаланылады:

1) Қазақстан Республикасының Елшілігі - Төтенше және Өкілетті Елші басқаратын, мемлекет Басшысы жанында аккредиттелетін, орналасқан мемлекетінде Қазақстан Республикасының өкілдігін жүзеге асыратын дипломатиялық өкілдік болып табылатын Қазақстан Республикасының шет елдегі мекемесі;

2) Қазақстан Республикасының Дипломатиялық миссиясы - Сенімді өкіл басқаратын, орналасқан мемлекетінде сыртқы істер министрі жанында аккредиттелетін, Қазақстан Республикасының өкілдігін жүзеге асыратын, дипломатиялық өкілдікке теңестірілген Қазақстан Республикасының шет елдегі мекемесі;

3) Халықаралық ұйымдар жанындағы Қазақстан Республикасының тұрақты өкілдігі - Қазақстан Республикасы мүшесі болып табылатын халықаралық ұйымда Қазақстан Республикасының өкілдігін жүзеге асыратын, Тұрақты өкіл басқаратын, дипломатиялық өкілдікке теңестірілген Қазақстан Республикасының шет елдегі м е к е м е с і ;

4) орналасқан мемлекет - аумағында Өкілдік орналасқан шетелдік мемлекет.

2. Өкілдік өзінің қызметін Қазақстан Республикасының Конституциясына , Дипломатиялық қатынастар туралы 1961 жылғы 18 сәуірдегі Вена конвенциясының, Консулдық қатынастар туралы 1963 жылғы 24 сәуірдегі Вена конвенциясының ережелеріне, "Қазақстан Республикасының дипломатиялық қызметі туралы" 2002 жылғы 7 наурыздағы Қазақстан Республикасының Заңына , осы Ережеге және өзге де нормативтік құқықтық актілерге, орналасқан мемлекеттің заңнамасын не халықаралық ұйымдардың ережелерін ескере отырып, Қазақстан Республикасының халықаралық шарттарына, сондай-ақ халықаралық құқықтың жалпы жұрт таныған нормаларына с ә й к е с жү з е г е а с ы р а д ы .

3. Өкілдік Қазақстан Республикасының Президенті Жарлығының негізінде құрылады, қайта ұйымдастырылады және өзінің қызметін тоқтатады.

4. Өкілдік Қазақстан Республикасының Сыртқы істер министрлігі (бұдан әрі - Министрлік) басқаратын дипломатиялық қызмет органдарының бірыңғай жүйесіне ж а т а д ы .

Қазақстан Республикасының өзге де мемлекеттік органдарының сұрау салулары мен қолдаухаттары Өкілдікке Министрлік арқылы ғана жеткізіледі.

2. Өкілдіктің негізгі міндеттері, функциялары және құқықтары

5. Өкілдіктің негізгі міндеттері мыналар болып табылады:

Қазақстан Республикасының сыртқы саяси бағытын іске асыру, сыртқы экономикалық саясатты жүзеге асыруға жәрдемдесу;

орналасқан мемлекетімен не халықаралық ұйыммен қарым-қатынастарда Қазақстан Республикасының өкілдігі;

орналасқан мемлекетімен не халықаралық ұйыммен өзара қарым-қатынаста Қазақстан Республикасының егемендігін, қауіпсіздігін, аумақтық тұтастығын және шекараларының мызғымастығын қорғауды, оның саяси, сауда-экономикалық және өзге де мүдделерін дипломатиялық жолдармен және әдістермен қамтамасыз ету;

орналасқан мемлекетінде Қазақстан Республикасының, оның азаматтарының және заңды тұлғаларының құқықтары мен мүдделерін қорғау.

6. Өкілдік заңнамада белгіленген тәртіппен мынадай функцияларды жүзеге асырады :

Қазақстан Республикасының халықаралық саяси стратегиясын іске асыруға жәрдемдеседі ;

орналасқан мемлекетінде не халықаралық ұйымда Қазақстан Республикасының бірыңғай саяси бағытын жүргізуді қамтамасыз етеді;

орналасқан мемлекетімен не халықаралық ұйыммен Қазақстан Республикасының қарым-қатынасының мәселелері бойынша Министрлікке ұсыныстар табыс етеді;

орналасқан мемлекеттің мемлекеттік органдарымен не халықаралық ұйыммен және оның шеңберінде келіссөздер жүргізеді және ресми байланыстарды қолдауға жәрдемдеседі ;

Қазақстан Республикасының мақсаттары мен қағидаттарын жүзеге асыруға, сондай-ақ орналасқан мемлекетімен не халықаралық ұйыммен ынтымақтастық шеңберіндегі шешімдерді іске асыруға жәрдемдеседі;

орналасқан мемлекетімен не халықаралық ұйыммен келіссөздер жүргізуді және Қазақстан Республикасының халықаралық шарттарына қол қоюды ұйымдастырады;

орналасқан мемлекетке не халықаралық ұйымға іссапарға жіберілген Қазақстан Республикасының ресми делегацияларына және өкілдеріне оларға жүктелген міндеттерді орындауда жәрдем көрсетеді;

Қазақстан Республикасының Президенті, Қазақстан Республикасының Парламенті Палаталарының төрағалары, Қазақстан Республикасының Премьер-Министрі және Қазақстан Республикасының басқа да ресми тұлғалары қатысатын іс-шараларды протоколдық-ұйымдық тұрғыдан қамтамасыз етуді жүзеге асырады;

орналасқан мемлекет туралы ақпарат жинауды, Қазақстан Республикасының орналасқан мемлекетпен қарым-қатынасына, оның сыртқы және ішкі саясатына, халықаралық қатынастар жүйесіндегі орнына талдауды, сондай-ақ басқа да мемлекеттер мен халықаралық ұйымдардың қызметін зерттеуді жүзеге асырады;

белгіленген тәртіппен Қазақстан Республикасының мемлекеттік органдарын сыртқы және ішкі саясатты жүзеге асыру үшін қажетті ақпаратпен қамтамасыз етеді;

Қазақстан Республикасы мен орналасқан мемлекеттің не халықаралық ұйымның арасындағы экономика, мәдениет, ғылым саласындағы және басқа да салалардағы

достық және өзара тиімді қатынастарды дамытуға жәрдемдеседі;

Қазақстан Республикасының заңнамасымен және халықаралық құқықтың нормаларымен регламенттелген консулдық функцияларды жүзеге асырады;

Қазақстан Республикасының сыртқы және ішкі саясаты, мемлекеттің әлеуметтік-экономикалық, мәдени және рухани өмірі туралы ақпаратты орналасқан мемлекетте не халықаралық ұйымда таратады;

Қазақстан Республикасы және орналасқан мемлекет не халықаралық ұйым қатысушы болып табылатын халықаралық шарттардың орындалуына жалпы қадағалау мен бақылауды жүзеге асырады;

орналасқан мемлекетте тұрып жатқан отандастарымызбен байланыстарды және қарым-қатынасты дамытуға жәрдемдеседі;

орналасқан мемлекетте, сондай-ақ көрші мемлекеттерде төтенше немесе әскери жағдай орын алған немесе олардың туындауына қатер төнген жағдайда оларды қауіпсіз жерлерге шұғыл көшіруге дейін, Қазақстан Республикасы азаматтарының қауіпсіздігін қамтамасыз ету және Қазақстан Республикасының меншігін сақтау жөніндегі қызметті үйлестіруді жүзеге асырады;

Қазақстан Республикасының заңнамасында көзделген өзге де функцияларды жүзеге асырады.

7. Өкілдік негізгі міндеттерді іске асыру және өзіне жүктелген функцияларды жүзеге асыру үшін Қазақстан Республикасының заңнамасында белгіленген тәртіппен:

қазақстандық мемлекеттік ұйымдардың өкілдіктері мен филиалдарының (бұдан әрі - мемлекеттік ұйымдар) орналасқан мемлекеттегі қызметін үйлестіруге;

орналасқан мемлекеттегі мемлекеттік ұйымдардан толық ақпарат беруді және Қазақстан Республикасының ұлттық мүдделерін қозғайтын қызметті келісуді талап етуге;

Қазақстан Республикасының заңнамасында көзделген өзге де құқықтарды жүзеге асыруға құқығы бар.

3. Өкілдіктің қызметін ұйымдастыру

8. Қазақстан Республикасының елшілігін Төтенше және Өкілетті Елші басқарады. Халықаралық ұйым жанындағы Қазақстан Республикасының тұрақты өкілдігін Тұрақты өкіл басқарады.

Төтенше және Өкілетті Елшіні және Тұрақты өкілді Қазақстан Республикасы Сыртқы істер министрінің ұсынуы бойынша Қазақстан Республикасының Президенті қызметке тағайындайды және қызметтен босатады.

Қазақстан Республикасының Дипломатиялық миссиясын Қазақстан Республикасының Сыртқы істер министрі қызметке тағайындайтын және қызметтен босататын Сенімді өкіл басқарады.

9. Өкілдік басшысы болмаған уақытта оның функцияларын ол аға дипломат қызметкерлер қатарынан тағайындайтын:

- 1) Қазақстан Республикасының Елшілігінде - Уақытша сенімді өкіл;
- 2) халықаралық ұйым жанындағы Қазақстан Республикасының тұрақты өкілдігінде - Тұрақты өкілдің міндетін атқарушы;
- 3) Қазақстан Республикасының Дипломатиялық миссиясында - Сенімді өкілдің міндетін атқарушы орындайды.

Егер Төтенше және Өкілетті Елшінің, Тұрақты өкілдің не Сенімді өкілдің қызмет орны бос болса немесе егер Төтенше және Өкілетті Елші, Тұрақты өкіл не Сенімді өкіл өзінің функцияларын орындай алмаса, Қазақстан Республикасының Уақытша сенімді өкілін, Тұрақты өкілдің не Сенімді өкілдің міндетін атқарушыны Қазақстан Республикасының Сыртқы істер министрі тағайындайды.

Егер орналасқан мемлекеттегі Төтенше және Өкілетті Елші Тұрақты өкіл қызметін қоса атқаратын болса, онда ол жоқ кезде Уақытша сенімді өкіл немесе аға дипломат қызметкерлердің бірі Тұрақты өкіл міндетін атқарушы болып табылады.

Уақытша сенімді өкілдің, Сенімді өкілдің не Тұрақты өкілдің міндетін атқарушының тегі орналасқан мемлекеттің сыртқы істер министрлігіне немесе уағдаластық жасалған басқа министрлікке не халықаралық ұйымға хабарланады.

Уақытша сенімді өкілдің, Сенімді өкілдің не Тұрақты өкілдің міндетін атқарушы болмаған уақытта орналасқан мемлекеттегі не халықаралық ұйымдағы оның функцияларын Өкілдіктің аға дипломат қызметкерлерінің бірі орындайды.

4. Өкілдік басшысының негізгі міндеттері мен құқықтары

10. Өкілдік Басшысы:

1) Қазақстан Республикасының сыртқы саяси бағытын іске асыру жөніндегі мақсатты жұмысты жүргізуге, Қазақстан Республикасы азаматтарының және ұйымдарының құқықтары мен мүдделерін барлық заңды жолдармен және әдістермен қорғауға;

2) орналасқан мемлекеттің не халықаралық ұйымның ішкі және сыртқы саясатының мәселелері бойынша Министрлікке ақпарат беруге;

3) орналасқан мемлекетпен не халықаралық ұйыммен Қазақстанның ынтымақтастығын дамытуды қамтамасыз етуге;

4) орналасқан мемлекетте Өкілдікке, персоналға және олардың отбасы мүшелеріне халықаралық құқықтың нормаларына және орналасқан мемлекеттің заңнамасына сәйкес берілетін артықшылықтар мен иммунитеттерді қамтамасыз ету жөнінде қажетті шаралар қабылдауға;

5) орналасқан мемлекеттен тысқары жерлерге қысқа мерзімді қызметтік іссапарларға шығуды Министрлікпен келісуге;

6) Қазақстан Республикасының заңнамасымен және халықаралық шарттарымен, сондай-ақ халықаралық құқықтың нормаларымен оның құзыретіне жататын басқа да функцияларды орындауға міндетті.

11. Өкілдік басшысының:

1) берілген өкілеттік шегінде халықаралық шарттарды жасасуға қатысты актілер жасауға;

2) орналасқан мемлекетпен не халықаралық ұйыммен екіжақты қатынастар мәселелері бойынша белгіленген тәртіппен ұсыныстар енгізуге;

3) Өкілдіктің құзыретіне жататын мәселелер бойынша мемлекеттік ұйымдардан қажетті материалдар мен құжаттарды белгіленген тәртіппен алуға;

4) Өкілдіктің персоналын мемлекеттік наградалармен марапаттау туралы, дәрежесі мен қызметін өсіру туралы, мерзімінен бұрын елге қайтару немесе шетелдегі жұмыс мерзімін ұзарту туралы, тәртіптік жаза қолдану туралы ұсыныстарды Министрлікке енгізуге;

5) Өкілдікті қаржыландыру жоспарында көзделген қаражаттың (шығыстың) лимитіне билік етуге;

6) Өкілдіктің қызмет мәселелері бойынша бұйрықтар шығаруға, қызмет көрсетуші персоналмен еңбек қатынастарына байланысты мәселелер бойынша дербес шешімдер қабылдауға, Өкілдік лауазымының жыл сайынғы ақысы төленетін еңбек демалыстарының кестесін бекітуге;

7) жыл сайын төленетін еңбек демалысы берілген кезде жол жүруді қоспағанда, Министрліктің келісімі бойынша Өкілдік персоналының және олардың отбасы мүшелерінің Қазақстан Республикасына және басқа да мемлекеттерге қысқа мерзімді жол жүруіне рұқсат беруге құқығы бар.

12. Төтенше және Өкілетті Елші орналасқан мемлекеттегі Қазақстан Республикасының бас консулдықтарының, консулдықтарының, вице-консулдықтарының, консулдық агенттіктерінің, құрметті консулдықтарының және өзі аккредиттелген мемлекеттерде ашылған Қазақстан Республикасының дипломатиялық миссияларының қызметіне басшылықты жүзеге асырады, сондай-ақ орналасқан мемлекеттегі Қазақстан Республикасының өзге де өкілдіктерінің және Қазақстан Республикасының мемлекеттік ұйымдары өкілдіктерінің қызметін үйлестіруді және олардың жұмысына бақылауды жүзеге асырады.

Көрсетілген өкілдіктердің басшылары өзінің қызметін Төтенше және Өкілетті Елшімен келісуге, Төтенше және Өкілетті Елшіге оның өкілеттіктерін жүзеге асыруда жәрдем көрсетуге, өзінің қызметі туралы оған ақпарат беруге міндетті.

13. Өкілдіктің басшысы Министрлікке жолданатын ақпараттың объективтілігі, дұрыстығы және толықтығы үшін дербес жауапты болады.

5. Өкілдіктің персоналы

14. Қызметтік міндеттері бойынша Өкілдіктің персоналы дипломатиялық қызметтің қызметкерлеріне және жұмыскерлеріне бөлінеді.

Дипломатиялық қызметтің қызметкерлеріне Өкілдікте штаттық дипломатиялық лауазымдарды атқаратын мемлекеттік қызметшілер жатады.

Өкілдік қызметкерінің дипломатиялық мәртебесін оған тиісті дипломатиялық аккредиттеу карточкасын беру жолымен орналасқан мемлекет растайды.

Дипломатиялық қызметтің жұмыскерлеріне Өкілдікте штаттық әкімшілік-техникалық лауазымдарды атқаратын мемлекеттік қызметшілер жатады.

Өкілдік жұмыскерінің мәртебесін оған тиісті аккредиттеу карточкасын беру жолымен орналасқан мемлекет растайды.

Өкілдіктің құрылымында Өкілдік персоналының отбасы мүшелерінің, Қазақстан Республикасының немесе орналасқан мемлекеттің азаматтары қатарынан жеке еңбек шарттары негізінде қабылданатын қызмет көрсетуші персоналдың функциясын жүзеге асыратын адамдар болуы мүмкін.

15. Өкілдіктің персоналы және олардың отбасы мүшелері орналасқан мемлекетте халықаралық құқықтың, Қазақстан Республикасының халықаралық шарттарының, халықаралық ұйымдар мен олар орналасқан мемлекеттер арасында жасалған халықаралық шарттардың нормаларында, сондай-ақ орналасқан мемлекеттің заңнамасында белгіленген иммунитеттер мен артықшылықтарды пайдаланады.

16. Өкілдіктің персоналы өзінің қызметі үшін жауапты болады және Қазақстан Республикасының заңнамасында белгіленген тәртіппен жауапқа тартылуы мүмкін.

6. Өкілдіктің құрылымы

17. Өкілдіктің құрылымы мен штаттық кестесін Қазақстан Республикасының Үкіметі белгілеген шет елдегі мекемелердің штаттық сан лимиті шегінде және орналасқан мемлекетпен не халықаралық ұйыммен жасалған тиісті уағдаластықтарды ескере отырып, Министрлік бекітеді.

18. Өкілдікте саяси, сауда-экономикалық, консулдық, баспасөз және ақпарат, ізгілік және мәдени байланыстар, референтура бөлімдері (топтары), қаржы-шаруашылық қызмет және басқалары жұмыс істеуі мүмкін.

19. Өкілдік бөлімдерінің (топтарының) функцияларын және персоналының қызметтік (функционалдық) міндеттерін Өкілдік басшысы белгілейді.

7. Еңбек қатынастары

20. Өкілдіктегі еңбек қатынастары халықаралық құқықтың нормаларын және орналасқан мемлекеттің заңнамасын ескере отырып, Қазақстан Республикасының

з а н н а м а с ы м е н р е т т е л е д і .

21. Өкілдіктің персоналына тәртіптік жаза қолданудың тәртібі Қазақстан Республикасының заңнамасымен белгіленеді.

8. Өкілдіктің қызметін қамтамасыз ету

22. Өкілдікті қаржылық қамтамасыз ету республикалық бюджеттің қаражаты есебінен ғана жүзеге асырылады.

Өкілдікті қаржыландыру жоспарын тиісті жылға арналған республикалық бюджетте көзделген қаражаттың шегінде Министрлік бекітеді.

23. Өкілдік көлікпен, қызметтік үй-жаймен және басқа да қажетті мүлікпен қ а м т а м а с ы з е т і л е д і .

24. Өкілдік Министрлікпен қатынас жасайтын жабық және ашық байланыс арналарымен қ а м т а м а с ы з е т і л е д і .

25. Өкілдіктің өзіне бекітілген мүлікті иемдену, пайдалану және оған билік ету тәртібі Қазақстан Республикасының заңнамасымен белгіленеді.

26. Өкілдіктің персоналын материалдық, зейнеткерлік және әлеуметтік-тұрмыстық қамсыздандырудың шарттары мен тәртібі Қазақстан Республикасының заңнамасымен белгіленеді.

9. Мемлекеттік нышан

27. Өкілдіктің ғимаратында, Төтенше және Өкілетті Елшінің (Тұрақты өкілдің) резиденциясында Қазақстан Республикасының Мемлекеттік туы көтеріледі, Қазақстан Республикасының Мемлекеттік елтаңбасы бейнеленген, Қазақстан Республикасының мемлекеттік тілінде және орналасқан мемлекет (халықаралық ұйым) белгілейтін тілде Өкілдік нысаны (Резиденция атауын) және Қазақстан Республикасына тиістілігі көрсетілген қ а л қ а н о р н а т ы л а д ы .

Қазақстан Республикасының мемлекеттік нышандары орналасқан мемлекеттің (халықаралық ұйымның) протоколдық практикасын ескере отырып, Қазақстан Республикасының заңнамасына сәйкес пайдаланылады.